

Зулматга нур бўлиб келган Ҳабибим!

Image not found or type unknown



09:45 / 05.11.2019 2835

Жаҳолат ёруғликка айланди у кун,
Ечилди юракдаги азалий тугун.
Барчани мафтун этиб ёқимли бир ун,
Зулматга нур бўлиб келган Ҳабибим!
Ислоннинг йўлида қилиб ғазотлар ,
Аллоҳни билсин деб биздек авлодлар,
Соя солса ҳамки фисқу-фасодлар ,
Роббим сабр бер деб турган Ҳабибим!

Ҳар ишида Бисмиллаҳни мадҳ этган,
Кетса ҳамки ё умматим деб кетган,
Шафоатим кафолатдир деб айтган,
Кўз ёшлари уммон бўлган Ҳабибим!
Қуръон оятларин бизга етказиб ,
Нафрат аламларни дилдан кетказиб,
Қанча қора кунни бошдан ўтказиб ,
Алҳамдулиллаҳ деб айтган Ҳабибим!
Ҳайронман не бўлди биз инсонларга!?
Бунча меҳр қўймасак ёлғон дунёга?
Барибир қайтурмиз Роббим Аллоҳга !
Шундай деб даъватлар қилган Ҳабибим!
Узрлар айтамыз ё Расулаллоҳ,
Йўлингиздан адашдик биз ожиз гумроҳ,
Бизни кечирсин деб ҳақим зот Аллоҳ,
Ҳамиша дуода бўлган Ҳабибим!

Азиз Мансуров